

**«ALFA LIFE INSURANCE»
АКЦИЯДОРЛИК ЖАМИЯТИ**

ЯГОНА АКЦИЯДОР ҚАРОРИ № 1

«16» март 2022 йил

Соат: 11:00

Тошкент ш.

ИШТИРОК ЭТДИЛАР:

Ягона акциядор «ALFA INVEST SUG'URTA KOMPANIYASI»

Бош директори - И.Ю.Ахметова

ТАКЛИФ ЭТИЛГАН:

«ALFA LIFE INSURANCE» АЖ

Бош директори – Якубова Н.К.

КУН ТАРТИБИ:

«ALFA LIFE INSURANCE» АЖнинг бошқарув органлари фаолияти ва жамиятда корпоратив бошқарувни тартибга солувчи низомларни тасдиқлаш.

Кун тартибидаги масала бўйича «ALFA LIFE INSURANCE» АЖ Бош директори Н.К.Якубова сўзга чиқиб, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуннинг 14-моддасига кўра жамият давлат рўйхатидан ўтказилган санадан эътиборан кўпи билан уч ой муддатда акциядорларнинг умумий йиғилиши тўғрисидаги, жамиятнинг кузатув кенгashi, ижроия органи хақидаги (тегишинча директори, бошқаруви, ишончли бошқарувчи тўғрисидаги) ва тафтиш комиссияси (тафтишчиси) тўғрисидаги уларнинг фаолият тартибини, ҳуқуқ ва мажбуриятларини, шунингдек жамиятнинг мазкур органлари томонидан қарорлар қабул қилиш тартиб-таомилини белгиловчи низомларни тайёрлаши ҳамда акциядорларнинг умумий йиғилишида тасдиқлаши шарт эканлиги таъкидлади. Қонуннинг мазкур талабини ижро этиш мақсадида ««ALFA LIFE INSURANCE» акциядорлик жамиятининг ягона акциядори томонидан қарор қабул қилиш тартиби тўғрисида»ги низом, «Кузатув кенгashi тўғрисида»ги низом, «Ижро этувчи органи тўғрисида»ги низом, «Тафтиш комиссияси тўғрисида»ги низом, «Дивиденд сиёсати тўғрисида»ги низом, «Ахборот сиёсати тўғрисида»ги низомлар ишлаб чиқилганлигини ва мазкур ички меъёрий хужжатлар мазмунини кўриб чиқиб, тасдиқлашни таклиф этди.

Кун тартибидаги масала бўйича

ҚАРОР ҚИЛИНДИ:

1. Куйидаги ички меъёрий хужжатлар мазкур қарор иловасига мувофиқ тасдиқлансин:

- ««ALFA LIFE INSURANCE» акциядорлик жамиятининг ягона акциядори томонидан қарор қабул қилиш тартиби тўғрисида»ги низом;

- ««ALFA LIFE INSURANCE» акциядорлик жамиятининг Кузатув кенгashi тўғрисида»ги низом;

- ««ALFA LIFE INSURANCE» акциядорлик жамиятининг Ижро этувчи органи тўғрисида»ги низом;

- ««ALFA LIFE INSURANCE» акциядорлик жамиятининг Тафтиш комиссияси тўғрисида»ги низом;

- ««ALFA LIFE INSURANCE» акциядорлик жамиятининг дивиденд сиёсати тўғрисида»ги низом;

- ««ALFA LIFE INSURANCE» акциядорлик жамиятининг ахборот сиёсати тўғрисида»ги низом.

2. «ALFA LIFE INSURANCE» АЖ Бош директори тасдиқланган ички меъёрий хужжатлар билан маъсул шахсларни таништирусин.

3. Мазкур қарорнинг ижросини таъминлаш «ALFA LIFE INSURANCE» АЖ Бош директорига юклатилсин.

Ягона акциядор номидан:

«ALFA INVEST SUG'URTA KOMPANIYASI»

Бош директори

И.Ю.Ахметова

Таништирилди:

«ALFA LIFE INSURANCE» АЖ

Бош директори

Н.К.Якубова



“ТАСДИҚЛАНГАН”
«ALFA LIFE INSURANCE» Акциядорлик
жамияти Ягона акциядорининг 2022 йил

16 марта 1-сон қарори билан
Ягона акциядор «ALFA INVEST
SUG'URTA KOMPANIYASI»
Бош директори

И.Ю.Ахметова



**«ALFA LIFE INSURANCE» АКЦИЯДОРЛИК ЖАМИЯТИ
ТАФТИШ КОМИССИЯСИ ТҮГРИСИДА
НИЗОМ**

Тошкент 2022

I. УМУМИЙ ҚОИДАЛАР

1. Мазкур Низом «ALFA LIFE INSURANCE» акциядорлик жамиятининг (матн бўйича «Жамият») тафтиш комиссияси мақоми, ваколатлари ва мажбуриятлари хамда унинг аъзоларини сайлаш ва уларни ишлаш тартибини белгилаб беради.

2. Ушбу Низом Ўзбекистон Республикасининг «Акциядорлик жамиятлари ва акциядорларнинг хукуқларини ҳимоя қилиш тўғрисида»ги Қонунига (матн бўйича «Қонун»), бошқа норматив-хукукий хужжатларга ва Жамият уставига мувофиқ ишлаб чиқилган.

3. Тафтиш комиссияси Жамиятнинг органи ҳисобланиб, Жамият, унинг бўлинмалари ва хизматлари, филиаллари ва ваколатхоналари фаолияти устидан ички молия – хўжалик ва хукукий назорат қилиш функцияларини амалга оширади.

4. Тафтиш комиссия ўз фаолиятида давомида Ўзбекистон Республикаси қонун хужжатларига, давлат бошқарувি органларининг қонуности хужжатларига, Жамият Уставига, мазкур Низомга ва Жамиятнинг бошқа хужжатларига амал қиласди.

II. ТАФТИШ КОМИССИЯНИНГ ФУНКЦИЯЛАРИ ВА МАЖБУРИЯТЛАРИ

5. Жамиятнинг молия – хўжалик фаолиятини текшириш (тафтиш ўтказиш) тафтиш комиссиясининг, ягона акциядорнинг, Жамият кузатув кенгашининг ташаббусига кўра ёки Жамият овоз берувчи акцияларининг камидаги беш фоизига эгалик килувчи акциядорнинг (акциядорларнинг) талабига кўра Жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

6. Ўз функцияларини бажариш пайтида тафтиш комиссияси қуйидаги турдаги ишларни амалга оширади:

- Жамиятнинг молиявий хужжатларини, мол-мулкни инвентарлаш бўйича комиссиянинг хулосасини текшириш, кўрсатилган хужжатларни бирламчи бухгалтерия ҳисоби маълумотлари билан таққослаш;

- Жамият номидан тузилган шартномалар, амалга оширилган битимлар, контрагентлар билан ҳисоб-китобларнинг қонун хужжатларига мувофиқлигини текшириш;

- юритилаётган бухгалтерия ва статистика ҳисобининг мавжуд меъёрий қоидаларига мувофиқлигини таҳлил қилиш;

- Жамиятнинг молиявий ҳолатини, унинг тўловга қобиллигини, активларнинг ликвидлигини, ўз ва қарз маблағлари нисбатини таҳлил қилиш, Жамиятнинг иқтисодий ҳолатини яхшилаш учун захираларни аниқлаш ва Жамият бошқарув органларига молия-хўжалик фаолияти масалалари бўйича тавсиялар ишлаб чиқиш;

- маҳсулот ва хизматлар етказиб берувчилар томонидан тўловлар, бюджетга тўловлар, акциялар бўйича дивидендлар ва иш ҳақи ҳисобланиши ҳамда тўланиши, бошқа мажбуриятлар сўндирилиши ўз вақтида ва тўғри амалга оширилаётганини текшириш;

- солиқ ва статистика органлари, давлат бошқарув органларига топшириладиган Жамият бухгалтерия баланслари, йиллик ҳисобот ва бошқа ҳисобот хужжатлари тўғри тузилганлигини текшириш;

- Жамият томонидан қимматли қофозлар бозори ва акциядорлик жамиятларига оид қонунчилик талабларига риоя қилинishiни, шунингдек, Жамиятда йирик битимлар ва аффилланган шахслар билан тузилган битимлар мавжудлигини текшириш;

- тафтиш комиссия ваколатига кирадиган бошқа ишларни, шунингдек, ягона акциядор қарори ва кузатув кенгашининг топшириқларини бажариш.

7. Тафтиш комиссияси қуйидагиларга мажбур:

- а ягона акциядор, кузатув кенгashi, ижроия органи эътиборига амалга оширилган тафтиш ва текширишлар натижаларини жамият бошқарув органлари мажлисларида хуносалар, ёзма ҳисоботлар, билдиришномалар, ахборотлар шаклида ўз вақтида етказиш;

- Жамиятнинг йиллик ҳисботи ва йиллик бухгалтерия балансидаги маълумотлар ишончлилиги бўйича баҳо бериш;
- Жамиятнинг молиявий холатига таъсир этувчи хавф-хатар ва бошқа вазиятлар олдида Жамият молиявий барыарорлигига баҳо бериш;
- Жамиятнинг молия-хўжалик фаолиятини йил якуни бўйича ёки бошқа давр учун қонунчилик, Жамият устави ва мазкур низомга мувофиқ шахслар ташабусига кўра тафтиш ўтказиш;
- тижорат сирини саклаш, ўз функцияларини бажаришлари пайтида тафтиш комиссияси аъзолари конфиденциал маълумотларга эга бўлганда, ушбу маълумотларни ошкора қилмаслик. Агар тафтиш комиссияси ишига эксперт сифатида тафтиш комиссия аъзоси бўлмаган шахслар жалб қилинса, улар тижорат сири саклаш лозимлиги ҳакида огохлантирилиши керак. Уларнинг хати- харакатлари бўйича жавобгарлик текширишга жалб қилган тафтиш комиссия аъзоларининг зиммасига юкланди;
- Жамият Бошқарув органлари ва мансабдор шахслари ҳаракатларига оид ва уларга нисбатан тегишли қарор қабул қилиш тўғрисидаги акциядорларнинг шикоятларини ўз вактида кўриб чиқиши;
- ишлаб чиқариш-хўжалик, молиявий, ҳуқуқий фаолиятда қонунбузарликлар аниқланган ёки Жамият манфаатларига таҳдид пайдо бўлган холатларда Жамият бошқарув органлари қарорлари талаб қилинган тақдирда кузатув кенгаши йиғилишини чақиришни талаб қилиш;
- қонун хужжатларига асосан тафтиш комиссияси бошқа мажбуриятларга хам эга.

8. Текшириш предмети бўлган барча хужжатлар ва материаллар тафтиш комиссия аъзолари томонидан текшириш ўтказилганда синчиклаб ўрганиб чиқилиши лозим. Тафтиш комиссия аъзолари нотўғри хулосалар берганлиги учун жавобгар бўлади, ва ушбу жавобгарлик меъёри ягона акциядор томонидан амалдаги Ўзбекистон Республикаси қонунчилигиги биноан белгиланади.

9. Тафтиш комиссия аъзолари ягона акциядор томонидан қабул қилиш жараённида қатнашиши ва йиғилиш қатнашчиларининг саволларига ўз ваколат доирасида жавоб беришга мажбур.

III. ТАФТИШ КОМИССИЯСИННИГ ҲУҚУҚЛАРИ ВА ВАКОЛАТЛАРИ

10. Тафтиш комиссияси ўз функцияларини тегишлича бажариш мақсадида қуйидаги ҳуқуқларга (ваколатларга)эгадир:

- Жамиятнинг ҳар қандай молиявий хужжатларини текшириш, шу жумладан жамиятни инвентаризациялаш бўйича комиссия хужжатлари ва кўрсатилган хужжатларни бирламчи бухгалтерия ҳисби маълумотлари билан таққослаш;
- Жамиятнинг бошқарув органларидан, унинг бўлинмалари ва хизматларидан, мансабдор шахсларидан, тафтиш комиссия иши учун зарур бўлган хужжатларни талаб қилиш ва олиш. Кўрсатилган хужжатлар ва материаллар тафтиш комиссиясига унинг ёзма сўровига асосан уч кун ичida тақдим этилиши керак;
- кузатув кенгаши мажлисини чақиришни талаб қилиш. Кузатув кенгаши раиси тафтиш комиссиясининг кузатув кенгаши йиғилишини чақириш бўйича талабини рад этишга ҳақли эмас;
- кузатув кенгашининг ҳар қайси аъзосиининг таклифи бўйича кузатув кенгаши мажлисларида қатнашиши;
- Жамиятнинг бошқарув органлари, унинг бўлинмалари ва хизматлари олдида, Жамият томонидан қабул қилинган низомлар, қоидалар ва йўрикномаларни бузган тақдирда Жамият ходимлари, шу жумладан мансабдор шахсларнинг жавобгарлиги тўғрисидаги масалани қўйиш;
- Жамият молиявий ҳисботларини Халқаро молиявий ҳисбот стандартларига (матнда ХМҲС) мувофиқ тарзда эълон қилишга ўтишни ташкиллаштириш бўйича ишчи

гурухи ишида иштирокетиши;

• Агар қонунчилликда ёки Жамиятнинг ички ҳужжатларида белгиланган бўлса, ўз вазифаларини бажариб турган давр учун мукофот ва (ёки) тафтиш комиссиясининг аъзоси вазифасини бажариш билан боғлиқ харажатларни олиш;

• қонун ҳужжатларига асосан тафтиш комиссияси бошқа ҳуқуқларга (ваколатларга) хам эга.

11. Тафтиш комиссия аъзолари:

• аниқланган қонунбузилиш холати бўйича тафтиш комиссиясининг кечиктириб бўлмайдиган қарори талаб этилган тақдирда тафтиш комиссиясини шошилинч мажлисини чақиришга;

• тафтиш комиссия хулосалари бўйича ўз этирозларини ёзма равишда билдириш ва бу ҳақда ягона акциядор эътиборига етказишга ҳақли.

IV. ТАФТИШ КОМИССИЯСИННИГ ҲУҚУҚЛАРИ ВА ВАКОЛАТЛАРИ

12. Жамиятнинг молия – хўжалик фаолиятини текшириш бир йиллик фаолият якунлари бўйича амалга оширилади.

13. Жамиятнинг йиллик ҳисоботига киритилган ва йиллик бухгалтерия балансида акс эттирилган маълумотлар ҳаққонийлигини тасдиқловчи ёки рад этувчи хулоса хамда Жамиятнинг молия – хўжалик фаолиятини текшириш (тафтиш ўтказиш) бўйича тафтиш комиссиясини ҳисботи, Жамиятнинг йиллик ҳисоботи дастлаб тасдиқланиши тўғрисидаги кузатув кенгашининг мажлиси ўтказилиши кунига қадар уч кун олдин тафтиш комиссияси томонидан кузатув кенгашига тақдим этилиши лозим.

14. Жамиятнинг молия – хўжалик фаолиятини режадан ташқари текшириш (тафтиш ўтказиш) куйидаги холатларда амалга оширилади:

- ягона акциядор қарорига асосан;
- кузатув кенгашининг қарорига асосан.

15. Режадан ташқари текшириш (тафтиш) ўтказиш тўғрисидаги қарор ягона акциядор томонидан қабул қилинади. Тафтиш комиссияси ягона акциядор қарорини олгандан сўнг текширишини бошлайди.

16. Режадан ташқари текшириш (тафтиш) ўтказиш тўғрисидаги қарор кузатув кенгаши томонидан мажлисда қатнашаётган аъзоларининг кўпчилик овози билан, сиртдан овоз бериш холатларида кузатув кенгашининг барча аъзолари томонидан бир овоздан қабул қилинади. Ушбу қарорни қабул қилишга овоз берган барча кузатув кенгашининг аъзолари томонидан қарор имзоланади ва тафтиш комиссия раисига юборилади.

17. Конунбузарлик холати аниқланган тақдирда тафтиш комиссия аъзоси, тафтиш комиссия қарори талаб этиладиган, аниқланган қонунбузилиш холатини таърифлаган холда ёзма равишда тафтиш комиссия раисига юборади.

Тафтиш комиссия раиси талабномани олгандан сўнг уч иш кунида тафтиш комиссия мажлисини чақириши шарт.

Тафтиш комиссия томонидан текшириш (тафтиш) ўтказиш тўғрисида қарор қабул қилинган тақдирда тафтиш комиссия раиси текшириш (тафтиш) ўтказишни ташкиллаштиради ва уни ўтказишни бошлайди.

18. Режадан ташқари текшириш (тафтиш) ўтказиш тўғрисидаги талабни Жамият акциядорлари томонидан киритиш:

а) Текшириш (тафтиш) ўтказиш бўйича ташаббускор – акциядорлар тафтиш комиссияга қуйидагиларни ўз ичига олган ёзма талабнома юборади:

- акциядорнинг фамилияси исми ва шарфи ёки номи;
- уларга тегишли акциялар ҳақида маълумотлар (сони ва тури);
- ушбу талабноманинг асосланган важи.

Талабнома акциядор ёки унинг вакили томонидан имзоланади. Талабнома вакил томонидан имзоланган холларда вакилнинг ишончномаси илова қилиниши шарт.

Агар ташаббус юридик шахс – акциядор томонидан чиққан бўлса, юридик шахс вакилининг имзоси (юридик шахснинг уставига асосан ишончномасиз харакат қилиш ҳукуқига эга бўлган вакил) юридик шахснинг муҳри билан тасдиқланиши шарт. Агар талабнома юридик шахснинг номидан ишончнома асосида харакат қилаётган вакил томонидан имзоланган бўлса талабномага ишончнома илова қилиниши шарт.

б) Текшириш (тафтиш) ўтказиш талабномаси тафтиш комиссия раиси номига Жамият манзили бўйича почта орқали (топширилганлиги тўғрисидаги тасдиқловчи хужжат билан) ёки Жамият девонхонасига топширилади.

Талабнома тақдим қилингандан сана уни Жамиятга топширилган санаси ёки Жамият девонхонасига топширилган санаси хисобланади.

в) Талабнома тақдим қилингандан ўн иш куни ичидаги Жамиятнинг молия-хўжалик фаолиятини режадан ташқари текшириш (тафтиш) ўтказиш тўғрисидаги тафтиш комиссиясининг қарори қабул қилиниши ёки тафтиш ўтказилишига рад жавоби берилиши лозим.

г) Текшириш (тафтиш) ўтказилишига рад жавоби қуйидаги холларда берилиши мумкин:

- талабнома тақдим этган шахс Жамият акциядорларининг реестрида рўйхатга олинмаган ёки акциядорнинг (акциядорларнинг) вакили (вакиллари) ваколатига эга бўлмаса;
- текшириш (тафтиш) ўтказилиши тўғрисидаги талабнома асослантирилмаган бўлса;
- текшириш (тафтиш) ўтказилишига асос бўлган фактлар бўйича текшириш (тафтиш) ўтказилган ва тафтиш комиссия томонидан ушбу холатлар бўйича хулоса тасдиқланган бўлса;
- талабномада маълумотлар тўлиқ кўрсатилган бўлмаса;
- талабнома Ўзбекистон Республикаси қонунчилиги ва норматив-хукукий хужжатларга ёки Жамият уставига зид бўлса.

19. Текшириш предметига тааллукли барча мавжуд бўлган ва олинган хужжатлар ва материаллар тафтиш комиссия томонидан текшириш (тафтиш) ўтказилаётган даврда ўрганилиб чиқилиши лозим.

20. Жамиятнинг молия-хўжалик фаолиятини текшириш яқунларига кўра жамиятнинг тафтиш комиссияси хулоса тузади, шунингдек, корпоратив бошқарув кодекси тавсияларидан келиб чиққан ҳолда, бу хулосада қуйидагилар акс эттирилиши:

- Жамиятнинг ҳисботларида ва бошқа молиявий хужжатларида кўрсатилган маълумотларнинг ишончлилигига доир баҳо;
- бухгалтерия ҳисобини юритиш ва молиявий ҳисботни тақдим этиш тартиби бузилганлиги, шунингдек молия – хўжалик фаолияти амалга оширилаётганда қонун хужжатлари бузилганлиги фактлари тўғрисидаги ахборот кўрсатилиши шарт.

Ушбу хулоса ягона акциядор томонидан кўриб чиқилади.

21. Тафтиш комиссияси томонидан текшириш (тафтиш) ўтказиш тўғрисида қарор қабул қилингунинг қадар Жамиятнинг молия – хўжалик фаолиятини текшириш (тафтиш) ўтказиш бўйича талабнома тақдим қилган шахслар тафтиш комиссиясини ёзма огохлантирган ҳолда ўзлари хоҳлаган пайтда талабномасини чақиртириб олишга ҳақли.

22. Тафтиш комиссияси Жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун хужжатларининг ва Жамият ички хужжатларининг бундай битимларни тузишга доир талабларига риоя қилиниши тўғрисидаги хулосани Жамият кузатув кенгашининг мажлисига олиб чиқади.

V. ТАФТИШ КОМИССИЯСИ АЎЗОЛАРИНИ САЙЛАШ ВА ВАКОЛАТЛАРИНИ МУДДАТИДАН ОЛДИН ТУГАТИШ

23. Тафтиш комиссия аЎзолигига номзодлар бўйича таклифлар киритиш, ушбу таклифларни кўриб чиқиш ва улар бўйича кузатув кенгаши томонидан қарорлар қабул қилиш тартиби Ўзбекистон Республикаси «Акциядорлик жамиятлари ва акциядорларнинг

хукуқларини ҳимоя қилиш тўғрисида»ги Қонуни ва Жамият Уставига мувофиқ амалга оширилади.

24. Тафтиш комиссияга номзодлар киритиш таклифи бевосита жамият ягона акциядорига оғзаки равишда ёки ёзма равишда билдирилиши мумкин.

25. Тафтиш комиссияси 3 (уч) кишидан иборат бир йил муддатта ягона акциядор томонидан сайланади. Тафтиш комиссиясининг аъзолари бир вақтнинг ўзида жамият кузатув кенгашининг аъзоси бўлиши, шунингдек айни шу Жамиятда меҳнат шартномаси (контракт) бўйича ишлаши мумкин эмас. Айни бир шахс айни бир Жамиятнинг тафтиш комиссияси таркибига кетма-кет уч мартадан ортиқ сайланиши мумкин эмас.

26. Тафтиш комиссияси ўз таркибидан тафтиш комиссиясининг раисини ва котибини сайлайди. Тафтиш комиссиясининг раиси ва котиби тафтиш комиссиясига сайланган шахслар ичидан тафтиш комиссия аъзоларининг кўпчилик овоз билан сайланадилар.

Тафтиш комиссияси ўзи хохлаган пайтда раисни ва котибни тафтиш комиссиясининг сайланган аъзоларининг кўпчилик овози билан қайта сайлашга ҳақли, бунда тафтиш комиссияси аъзолигидан чиқсан шахснинг овози инобатга олинмайди.

27. Тафтиш комиссиясининг аъзоси ўз хохишига кўра истаган пайтида, тафтиш комиссияда ўз фаолиятини тўхтатиш кунидан бир ой олдин жамият тафтиш комиссияси ва кузатув кенгашини огохлантирган холда тафтиш комиссия тақибидан чиқишга ҳақли.

28. Тафтиш комиссия аъзоси ёки барча аъзоларининг ваколатлари ягона акциядор томонидан муддатидан илгари тугатилиши мумкин:

- узрли сабабсиз тафтиш комиссиясининг ишида уч мартадан ортиқ катнашмаганлиги учун;

- тафтиш комиссияси аъзоси (аъзолари) текшириш давомида барча хужжатлар ва материалларни лозим даражада ўрганмаганлиги оқибатида нотўғри хulosса берганлиги учун;

- тафтиш комиссия аъзоларининг бошқа хатти-харакатлари (харакатсизлиги) туфайли Жамиятга салбий оқибатлар олиб келганлиги учун.

29. Тафтиш комиссия аъзоларининг сони Жамият Уставида кўрсатилган миқдорнинг яримидан кам бўлиб қолса Жамият кузатув кенгаши тафтиш комиссиясининг янги таркибини сайлаш учун ягона акциядорга хабар бериши шарт.

Тафтиш комиссиясининг ваколатлари муддатидан илгари тугатилган тақдирда янги сайланган тафтиш комиссия аъзоларининг ваколатлари кейинги ягона акциядорнинг ийллик мажлисида тафтиш комиссияси сайлангунига қадар амал қиласи.

30. Ягона акциядор тафтиш комиссия аъзоларининг барчасининг ёки айрим аъзоларининг ваколатларини муддатидан илгари тугатиш тўғрисида қарор қабул қиласа ва бунинг натижасида тафтиш комиссияси аъзоларининг сони Жамият уставида кўрсатилган миқдорнинг яримидан кам бўлиб қолса, ушбу қарорда тафтиш комиссиясини янги таркибини сайлаш масаласи кўриб чиқилиши шарт.

Тафтиш комиссияси аъзолигига номзодлар бўйича таклифларни қонунчилик ва Жамият уставига мувофиқ, Жамият бошқарув органи ва назорат органи аъзолигига номзодларни киритиш хукуқига эга акциядорлар киритади.

VI. ТАФТИШ КОМИССИЯСИННИГ МАЖЛИСЛАРИ

31. Тафтиш комиссияси ўз мажлисларида барча масалаларни ҳал этади. Тафтиш комиссияси мажлислари тасдиқланган режа бўйича, шунингдек текширув ёки тафтиш бошланиши олдидан ва уларнинг натижалари бўйича ўтказилади.

32. Тафтиш комиссия мажлиси агар унда аъзоларнинг камидан учдан икки қисми иштирок этса ваколатли деб хисобланади. Тафтиш комиссия мажлисларини сиртдан овоз бериш йўли билан ўтказишга йўл кўйилмайди.

33. Тафтиш комиссиясининг ҳар бир аъзоси битта овозга эгадир. Тафтиш комиссиясининг далолатномалари ва хulosалари мажлисда қатнашаётганларнинг оддий

кўпчилик овози билан тасдиқланади. Овозлар тенг бўлганда тафтиш комиссияси раисининг овози ҳал қилувчихисобланади.

34. Тафтиш комиссияси аъзолари комиссия қарорига рози бўлмаганларида мажлис баённомасида алоҳида фикрларини қайд эттиришга ва уларни кузатув кенгаши ва ягона акциядор эътиборига етказишга ҳақлидирлар.

35. Тафтиш комиссия раиси:

- тафтиш комиссия мажлисларини чақиради ва ўтказади;
- тафтиш комиссия ишини ташкиллаштиради;
- кузатув кенгашининг мажлисларида ва ягона акциядор томсонидан қарор қабул қилиш жараёнида тафтиш комиссияси номидан иштирок этади;
- тафтиш комиссияси номидан чиқиш хужжатларни имзолайди.

36. Тафтиш комиссияси раиси бўлмаган тақдирда унинг функцияларини мажлисда қатнашаётган аъзоларнинг кўпчилик овоз билан қабул қилинган карорга мувофиқ тафтиш комиссияси аъзоларидан бири бажаради.

37. Тафтиш комиссиясининг котиби:

- мажлис баённомалари юритилишини ташкиллаштиради;
- тафтиш комиссиясининг далолатномаларини ва хulosаларини олувчиларга етказади.

VII. ТАФТИШ КОМИССИЯСИ АЪЗОЛАРИГА ҲАҚ ТЎЛАШ

38. Тафтиш комиссияси аъзоларига ягона акциядор қарори билан ойлик ҳақ ва якунлари бўйича қўшимча ҳақ тўланиши мумкин.

VIII. ЯКУНИЙ ҚОИДАЛАР

39. Тафтиш комиссияси аъзоларини керакли маълумотлар билан таъминлашга, шунингдек ягона акциядор ва кузатув кенгаши ўртасидаги алоқага жамият бош ҳисобчиси масъул.

40. Мазкур Низом шартларини бузилишига йўл қўйган шахслар белгиланган тартибда жавобгардир.

41. Агар Ўзбекистон Республикасининг қонунчилик хужжатлари ёхуд жамият Уставида мазкур Низомда назарда тутилганидан бошқача қоидалар белгиланган бўлса, Ўзбекистон Республикасининг амалдаги қонунчилик хужжатлари ва жамият Устави қоидалари қўлланилади.